

D. BENEDICTI BACCHINI

D. E

# SISTRIS,

EORUMQUE FIGURIS, AC DIFFERENTIA,

*AD ILLUSTRISSIMUM D.*

D. LEONEM STROZZA

*DISSERTATIO.*

JACOBUS TOLLIUS

Differtatiunculam & notulas adjecit, & Per-  
illustri VELTHUSIO consecravit.



TRAJECTI ad RHENUM,

Ex Officina FRANCISCI HALMA, Academiæ  
Typographi, clis lbc xcvi.

D. BENEDICTI MAGGIORI

D E

SISTRI

D. LONATI

JACOBI

DE VESTIGIIS



IN LUCEM

*Perillustri , Nobilissimo , & Amplissimo*

*V I R O ,*

D.D. THEODORO  
à VELTHUYSEN,

Toparchæ in Heemsteede, Wil-  
leskop, Korteheeswijk, &c. &c.  
Illustribus ac Præpotentibus  
Provinciae Trajectinae Ordini-  
bus adscripto , Consilii que ag-  
geris Leccani superioris Ad-  
fessori, &c. &c.

JACOBUS TOLLIUS S.



Virtutum Tuarum , animique  
erga omnes bonos , ac inpri-  
mis literatos , benigni proli-  
xique tacitus hætenus vene-  
rator, eam mihi, VIR PER-  
ILLUSTRIS, sæpenumero  
occasionem votis expetii, qua citra adu-  
lationis

DEDICATIO.

lationis ambitionisve suspicionem illum Tibi honorem haberem, qui præclaræ Tuorum decorum magnitudini si non omni, saltem aliqua ex parte responderet. Sed frustra ea vota fuere, procacibusque ablata ventis una cum inani spe mea evanuerunt. Verum ut adversus oppugnantem me fortunam, (quæ bonæ occasionis mater & promaconda est) licet acri vehementique invidiæ ac malitiei commilitio firmatam, pertinax & invicti imperterritique animi miles sum, quæro semper aliquid, quo me tuear, ac illam ulciscar, subsidii. Ergo cum, quo potissimum documento hunc Tibi, VIR PERILLUSTRIS, animi mei sensum patefacerem, jam dudum circumspicerem, pertæsus morarum arripui quod præ manu erat, sed prætenue, longeque infra Tuam possum dignitatem; elegantia tamen argumenti; Scriptorisque eruditione placiturum. BACCHINI Dissertatio est de SISTRIS: quam in Italia mihi dono datam, & his in locis numquam visam, ibidem etiam perraram, typis hic iterum me mandaturum suscep.

# D E D I C A T I O.

cepi. Addidi parvulam, quæ tum mihi, quum donaretur, scripta, dissertatiunculam, notulasque inter relegendum sub manu natas. Hoc Opusculum Tuo, VIR PERILLUSTRIS, inscribere ac dedicare visum Nomini, meque una meaque Tibi tradere studia: ut hoc ad explicandum animum erga Te meum parato aditu liberior mihi postilla paratiorque ad Te via esset, ac facultas majora industriæ in his literis meæ laborisque specimina offerendi; adeoque & amplius spatium in laudes eundi Tuas, quas nunc ne attingere quidem libelli hujus patitur exiguitas. Est enim ille venustus quidem, Tuisque assuetis omni literarum cultui oculis dignissimus: verumtamen tantula ejus moles prolixiorē respuit dedicationem. Paucis igitur nunc dicam, VIR PERILLUSTRIS, quod alias cum volente Deo pluribus persecuturus sum, eam esse animi Tui omnibus numeris absolutissimi excellentiam, eas virtutes, indolem, mores, elegantiam, suavitatem; ea corporis ac fortunæ decora, eaque

## DEDICATIO.

in remp. patriam publica, ea in ciyes, populares, exteros, privata beneficia ac merita, quæ Te cunctis spectabilem, venerandum, & amabilem reddant: adeo ut uno omnium suffragio, quum principem in hac rep. dignitatem obtineas, multis etiam partibus majorem amplioremque mereri videare. Ita me sentire testatum Tibi, testatum publico volui, securus obtrectionis, patrocinate veritate. Vale VIR PERILLUSTRIS, meque aliquem inter Tuos tenere locum patere. Dabam in museo meo, An. clō Iōc xcv, a. d. xiv Kal. Octobreis.



# JACOBUS TOLLIUS

LECTORI S.



*N* Tibi, *Lector Humanissime*,  
*D. Benedicti Bacchini, Monachi Parmensis S. Benedicti ad D. Joannem Evangelistam, & Ephemeridibus Eruditorum Italicis*, dum *Parma fuit*, celeberrimi, *Dissertationem de Sistris*; *cujus mihi ab erudito, & editis selectissimis literatorum hominum in unum corpus collectis opusculis Miscellaneis clarissimo P. Gaudentio Roberto Carmel. Congr. Parma ea conditione donatum fuit exemplar*, ut id nitidius denuo mea opera, & accuratius recuderetur. *Quinquaginta namque tantum ajebat excussa hujus Dissertationis exemplaria*: *exigereque egregia Viri Praestantissimi in remp. literariam merita*, ut & apud nos nomen ejus ac studia magis magisque innotescerent. Ut autem ex *Homeri sententia ferrum virum trahit*, ita & ipsius me movit argumenti elegantia, ut nonnihil & ipse adderem, quo editio hac recens gratior

# P R Æ F A T I O.

tior Tibi foret. atque commendatior. Addidissem & Bossii Viri Eruditissimi de eodem argumento opusculum, quod Isiacum inscripsit, si mihi hic ejus fuisset comparandi copia. Verum aliorum quoque industria nonnihil relinquendum est. Tu interim, Lector Humanissime, his utere, frueri, dum Itineris Italici Insignia subprælo fervent, hoc fortassis anno, aut sequentis initio, cum volente Deo lucem publicam visura. Scribebam Trajecti Batarv., An. MDCXCV. a. d. XII Kal. Oct.







ILLUSTRISSIMO ac HUMANISSIMO

DOMINO

D. LEONI STROZZÆ

D. BENEDICTUS BACCHINUS

S. P. D.



Qui bonique consulas, oro, *Vir Illustriſſime*, ſi ſerius, quam vel tu crederas, vel ego ipſe decreveram, meam fidem liberem, quam dudum dedi nonnulla me de egregio tuo Iſiacæ ſuperſtitionis Monumento ſcripturum, cujus graphicam iconem, addita altera Trajani vultum exprimente, miſiſti. Iſ enim curis præpedior, ac in tam diverſa renitente genio trahor, ut vix quandoque horis ſubceſſivis memet ipſe colligere poſſim, ac per breviffima temporis ſpatia Muſis, mihiſque vacare. Quod quidem ægerrimè ferrem, niſi ob genus vitæ auſpicante Numine delectum, alieno

mihî arbitrio vivendum scirem, ac alienis quibuslibet votis serviendum.

Verum ne moras excusans, & moras nectens, idem peccatum peccem, Sistrum arripio, pauca in ejus illustrationem scripturus, ac potissimum ea, quæ forte Clarissimis Viris, qui de hocce argumento egere, intacta relicta sunt. Quur enim actum agam, & cramben sapius recoctam recoquam? Hæc igitur, quantum per me poterit, distincte discutienda reor, cujus figuræ Sistrum apud Isiacorum Mysteriorum cultores, dein hypothetice tuum, Ægyptiacumne fuerit, an Romanum? Duo hæc illustrabo, ac velut aliud agens ea quoque, quæ pertinent ad Felem, ad virgulas transjectas, & ad lateralìa parerga, explanabo; nec non alia nonnulla forte haud injucunda ad progressum Isiacæ superstitionis, & ad Romana hujusmodi monumenta ab Ægyptiis distinguenda, spectantia adjiciam.

Age itaque primum illud, quod suscepimus, persequamur; nil enim de Sistri usu, nil de nominis (a) etymologia dicendum reor, cum toties repetita, ac transcripta ab aliis hæc sint, ut de eis respondere lippus etiam ac tonsor possit. Ad figuram igitur quod attinet,

(a) Adscribam tamen in gratiam juvenutis, cui non omnes statim libri sunt in promptu, nominis etymon. Dictum Græce *Sistrum*, sive *σῖστρον*, *σῖστρον* τὸ *σεῖον*, id est, a quatiendo, seu movendo; quo motu virgulæ tinnitum edebant. Hinc herbæ ad Scamandrum germinanti *Sistro* nomen, quæ erebintho similis acinos se moventes habet, teste Plutarcho

de Fluminibus, in Scamandro: & *σῖστρον* appellata lupanaria, quibus Romæ tempore Theodosii Imp. inclusæ adulteræ ad promiscuam scortationem cogeabantur, pulsis tintinnabulis, ut ipsarum supplicium omnibus in proximo innotesceret: quod turpe pœnæ genus a Theodosio sublatum memorat Socrates Hist. Eccles. lib. v, cap. xvi i i.

noſti, tot pene Scriptorum ſententias eſſe, quot capita. Illud tamen ſatis conſtare arbitror, non unam fuiſſe, ſed diverſam pro regionum, Iſiacorum, opificum, ac temporum genio; quod ut ob oculos inficias eunti ponam, exhibeo nonnullorum Sistrorum figuras veruculo in æs inciſas, quas in hanc rem hinc inde ex antiquaria ſupelleſtile collegi. Vides Siftra anguliformia, ovalia, virgulis munita quadrilateribus, varie manubriata, virgularum numero aucta, vel diminuta, pleraque omni ſymbolo deſtituta; bina, quæ ex Auguſtini gemmis accepi, Loto exornata. Hinc toto, ut ajunt, cœlo aberrare ſentio a vero, qui de hac re ita agunt, ut unius formæ immutabilis Sistrum fuiſſe autument, vel eodem ſemper ornatu effectum contendant. Noſti porro, quam multa Hieronymus Boſſius in ſuo *Iſiaco*, ſive opusculo *de Sifſtro*, congerat, quantumque labore, ut ſuam de Sifſtri figura ſententiam firmet aliis exploſis; qua quidem in re, licet illos jure ac merito reprehendat, qui Sistrum cum Crotalis, Cymbalis, & ceteris hujusmodi crepitaculis confundunt, confidentius tamen, quam par eſt, ſibi metipſe de vera, ac genuina adinventæ deſcriptione gratulatur, quam hic operoſe ab illo conſectam recolere ne graveris. Ea eſt hujusmodi; *Sistrum crepitaculum ovale eſt, ex arguti metalli lamina factum, cujus apſis ſuperior tribus inſignitur figuris, una ſcilicet æluri humana facie in medio poſita, altera Iſidis in dextero latere, tertia (b) Nephthys in ſiniſtro.* In ima  
vero

(b) Quæ Nephthys quinta & ultima Rheæ & Saturni proles *Venus* eſt; ut Plutarchus habet de Iſide & Ofiride: cui conjugem Typhonem, etiam, & *Viſtoria*, & *Finis* appellata filium Anubin *Ægyptii* attribuerunt.

vero sui parte manubrium habet, quod dum concutitur, virgulæ quædam ex eodem metallo factæ, & per laminæ forulos transjectæ, adunca utrimque cuspidè laminam ipsam percutiunt, quæ mox sonorum edit tinnitum. Hæc ille, figuram adjiciens, sed ab allata descriptione in nonnullis discrepantem. Etenim in superiori parte haud ovalis est, sed trinos angulos efficit; æluri vero facies nullatenus ad humanam accedit. Hinc per partes descriptione perpensa, in hæc verba concludit, de inventa veluti, ac e puteo eruta veritate sibimetipse plaudens: *Quæ cum ita se habeant, nostra omnino Sistri descriptio habenda est pro omnium certissima, ac pro omnium verissima.* Mihi vero illud dubio procul omni certissimum, ac verissimum esse videtur, a Bossio allatam descriptionem ita demum certissimam, ac verissimam esse, si non de quolibet Sistro, sed de nonnullis intelligatur exhibita. Omnibus quidem commune, quod ad ovalem accederent figuram, quod lamina constarent, ac manubrio, quod mobiles virgulæ adderentur: cæterum sæpissime nullo parergo exornabantur, ut figuræ probant in superioribus allatæ. Apsis insuper ad Bossii gustum efformata frequentissime omnino desiderata est; Nephthys, ac Isis vultus non semper affixi fuerunt, & cum adjiciebantur, infra mobiles virgulas locum habuere. Æluri etiam facies raro ad humanam accessit. Quæ quidem singula, si seorsim perpendantur, facile patent.

inferiusque hemispherium consecrarent, sicut superius Isis. Attulimus nonnulla de his omnibus, & ad Chemiam retulimus in Fortuitis nostris

Cap. XXIII, p. 205. quæ respici potest, quippe ad eorum, quæ superius de Sistro dicta, penitentiorem cognitionem non inutilia.

Etenim

Etenim quamvis non negaverim, apsidem Bossianam quandoque obtinuisse, & quidem anguliformem; frequentius tamen Sistris summam partem in hemicyclum conformatam, cum ex allata Sistrorum tabella patet, tum e Sistro, quod Cl. Pignorius in egregio ad Mensam Isiacam Commentario ex Museo Francisci Gualdi Ariminensis affert, ac rursus in aureo exhibet Opere *de Serris*. Plutarchus in Libello de Iside ac Osiride, superiori ea Sistris parte Lunæ Circulum, seu Globum, significari tradit, sub quo omnia ob generationem, ac interitum concutiuntur, quod ea ad imaginem cœli rotunda sit, seu circuli Lunaris portionem imitetur. En ipsa verba, quæ miror a Bossio in medium allata, tanquam sententiæ suæ firmandæ aptissima: Τὰ δὲ σίστρα περιέχουσιν ὅντι ἡ ἀψὶς (ita enim legendum) περιέχει τὸ σιρόνιον τῶν ἄστρον. Καὶ γὰρ ἡ γνωμὴν, καὶ φθουρομένη μῆτρα τῶ κόσμου περιέχεται μὴ ὑπὸ τῆς σελήνιακῆς σφαίρας, καὶ ταῦτα δὲ ἐν αὐτῇ πάντα, καὶ μεταβάλλεται ἀπὸ τῶν πεντάρων στοιχείων, πῦρ, καὶ γῆ, καὶ ὕδατος, καὶ ἀέρος: Sistris autem superiori parte rotundi curvatura admonet de quattuor corporum concussione. Pars namque mundi obnoxia ortui, & obitui globo Lunari continetur, ac in ea cuncta moventur, mutanturque per quattuor elementa, ignem videlicet, terram, aquam, aerem. Quæ manifeste Bossianæ sententiæ repugnant. At cum semel in præconceptam opinionem Vir iste impegit, nec ceteros intelligit Auctores, quos citat. Laudat Joannem Bernartium, ac tanquam Bernartii foetum descriptionem, quam is in Scholiis ad lib. xi Statii Theb. exhibet, multis commendat; cum tamen Bernartius apices ipsos ex Apul. lib. xi Metamorph. descripserit, ubi Madau-

rensis Isidis ornatum , sibi adhuc sub asini persona degenti apparentis , ob oculos ponens , ait ; *dextera quidem ferebat æreum crepitaculum , cujus per angustam laminam in modum balthæi recurvatam trajectæ mediæ paucule virgulæ , crispante brachio tergeminos ictus , reddunt argutum sonum.* Verum sit hæc Sistræ , cujus Bossio libuerit , laudata descriptio ; illud satis mirari nequeo , cum aperte sive Apulejus , sive Bernartius , Sistræ figuram rotundam *in modum balthæi recurvati* , dixerit , queri illum , in Bernartii sese descriptione Sistræ figuram desiderare ; etenim , ait , *non eam facit orbiculatam , non trigonam , non ovalem.* Quî enim fieri potuit , ut clarius orbicularem digito ostenderet , quam *lamina Sistrum in modum balthæi recurvata* constare asserens ? Isidis , ac Nephthys vultus sæpius defuisse probant Sistra in superioribus delineata : at cum adfuerunt , infra mobiles virgulas sedem ut plurimum obtinuerunt , eodem loco , quo in Pignoriano , ac in nostro Pineæ , seu aliud quoddam parergon , affixa spectatur . Testis locupletissimus id firmat iisdem Plutarchus verbis , quibus Bossius universam suam Sistræ descriptionem munire satagit . Vix mihi met ipse fidem habui , cum hominem mordicus defendentem legi , vultus hujusmodi supra mobiles virgulas semper fuisse collocatos , & eo nomine Pierium Valerianum traducentem , ob illos infra constitutos ; nec non in ejus rei probationem Plutarchi afferentem ea , quæ sententiæ ejus diserte repugnant , cum ait ;

τῇ δὲ Ἀφροδίτῃ τὰ σείστρα καὶ τὴν κορυφὴν ἐνταυροῦσιν ἀλλήλων ἀνθρώπων  
 πρὸς ὁμιλίαν ἔχοντα ; κατὰ δὲ τὴν τοῦ σείσθρου , πρὸς μὲν Ἰσιδος , πρὸς  
 δὲ Νέφθυος πρὸς ὁμιλίαν , αἰνιττόμενοι τοῖς μὲν πρὸς ὁμιλίαν γίνονται , καὶ  
 τελευτῇ :

πλευτήν : *curvamine Sistris in vertice affingunt felem humanam faciem habentem: infra vero sub his, quæ quætiuntur, aliquando quidem Isidis, aliquando autem Nephthyos vultus, ortum illis, ac obitum indicantes.* Quid a Bossio ad Bossii sententiam evertendam clarius afferri potuit? Illud tamen animadvertendum est, ex Plutarchi testimonio haud apte colligi, Sistris figuram fuisse immutabilem; atque adeo quandoque eandem illam, quam ex Plutarchi verbis refellimus, potuisse obtinere. Sed cum *in modum balthei recurvata* fuerunt Sistra (ut plurimum autem talia fuisse ostendunt vetera monumenta) vix alio loco collocari potuerunt Isidis, ac Nephthyos vultus, quam infra mobiles virgas; cum vero Bossii sententiæ responderunt, bene supra easdem effingi quiverunt. Eandem inconstantiam meo periculo agnoscere in principe Sistris parergo, Fele videlicet; sæpius enim nudum novimus Sistrum, ut in Numismatibus, in Mensa Isiaca, apud Gruterum, in Oedippo Kircheriano, & alibi passim; quandoque Felis loco Sphingem appositam, ut in Pignoriano: vel (c) Loti florem; ut in Augustini gemmis; vel aliud quidpiam; sæpissime Felem felis, non hominis, faciem habentem, ut in tuo. Quamvis enim Plutarchus adhibitum scribat, ac vertici Sistris rotundo affictum *ἀλλαν ἀνθρώπου προσώπου ἔχοντα*; ipse tamen non obscure innuit, nil religioni, nil mysteriis obscurasse, cum hominis facies abesset. Qui, dum philosophicam cum ceterarum Sistris partium, tum Felis illustra-

(c) Qui & in gemmis Basilidianis frequenter occurrit, ut 25, 35, 40, &c. nec Isidi tantum, Solique olim facer lotus fuit, sed & Diis Laribus, ut Baudelotius noravit, lib. de Util. Peregrin. ubi de Laribus agit.



tionem accurate tradit, multaque de Felis fecunditate, multa de Lunæ, ac ejusdem affectuum convenientia differit, nullam tamen de (d) Felis humana facie meditationem in medium profert. In Mensa vero Isiaca bis Sistrum offendimus, in quo Felis visitur, sed ea humanam faciem nequaquam exhibet.

Visa in superioribus, Vir Illustrissime, qua Sistrorum figura laborat, inconstantia, brevem hic tui descriptionem exhibere operæ pretium duco, cujus mihi veruculo expressi delineationem humanissime misisti, ut a ceterorum turba distinguatur, ac, quisquis hæc leget, icone quamvis destitutus, quid huic peculiare, quid cum aliis commune contigerit, dignoscere possit. Manubrio longo satis, quo dextera agitetur, ut, *crispante brachio tergeminos ictus, argutus reddatur sonus*, lamina ærea adhæret in superiori parte *in modum balthæi recurvata*: at, ubi manubrio jungitur, angulos rectos cum basi efformans. Vertici, Felis cauda protensa, capite arrecto, corpore toto recumbens, insidet. Ea faciem Felis omnino præfert. Quatuor rotundæ virgulæ adunca utrimquesecus cuspide, laminam per forulos oppositos transmeant, ita ut libere hinc inde moveri possint. Tres superiori parti respondentes æquali spatio a se invicem distant; quarta longius ab his remota ad manubrium accedit. Infra hanc, ubi in rotundam lamina figuram desinit, Loti foliis (ut quidem reor) ornata, extrinsecus bina Symbola affixa cernuntur, quorum unum Nucis pineæ speciem præ-

(d) Martianus Capella contra inducit, de Nupt. Merc. & Phil.  
ea Lunam selem vultu præferentem | l. 2.



bet, alterum, quamvis in conum assurgat, pineam tamen dicere non ausim, cum decussatis, ac spiralibus lineolis non distinguatur. Multa mihi de hoc parergo cogitanti satius visum est in medio illud relinquare, quam longiuscule petita producere.

Sistri totius conformatio ac species ejus elegantiae est, ut hinc priorem conjecturam jure fecerim Romanum illud esse, atque a cultissimo artifice Augustorum tempore elaboratum, eorum videlicet, qui impensius Isiacis mysteriis operam dedere, Commodi, puta, vel Caracallae. Res ramen majoris indaginis est; nec enim quod Via Aurelia in suburbana villa Illustrissimi Laurentii de Corsinis inventum fuerit, officit, quo minus hoc aliunde quandoque illuc afferri Sistrum potuerit, cum in dissitas saepe regiones translata fuisse ipsa marmora, doceant ea, quae Romae etiam nunc conspiciuntur, Aegyptiorum ingentia monumenta, ac lapides Graeci, Romanique, ad toto remotos orbe Britannos usque, vel pretio, vel studio, in Angliam deportati. Quo itaque ejus rei argumentum aliquod haud levidense nancisceretur, Sistri tui partes singulas excutiendas duxi, sperans fore, ut hujus non modo elegantissimi monumenti differentiam, seu characterem adinvenirem, sed & Isiacorum quorumcumque, quae vel in hanc usque diem reperta sunt, vel in futurum inveniri contingeret. Non injucundum autem, nec inutile accidet, si aliqua de propagatis Isiacorum Mysteriis praelibavero, tempora quantum licuerit distinguens, quibus Isidis nomen, ac cultus cum apud Graecos, tum apud Romanos coeperit obtinere. Hæc enim lumen haud

obscurum afferre præsentī poterunt argumento, & infra dicendis fidem adstruere.

Hac igitur in re, licet ultro fatear Isidem ubique terrarum cultam, quod apud Diodorum Ægyptii Mystæ jactabant, id tamen ita intelligendum reor, ut simul longius a vero aberrare videatur, qui inde colligat, Isidis nomen, cultum, attributa, fabulas, eadem ubique terrarum fuisse celebrata, antiquis potissimum temporibus; videlicet antequam Roma rerum undequaque potiretur, ac cum imperio Deorum multiplicem superstitionem orbi communem efficeret. Quare, ut pro rei veritate, accurateque loquamur, non Isis, sed, quæ per Isidem significabatur apud Ægyptios, rerum Natura, activæ potentia, ac virtutis receptrix, ubique terrarum colebatur: at in Ægypto proprio Isidis nomine, peculiaribus mythologiis, ritibus, ac cærimoniis, apud alios diversimode, & variis appellationibus. Explicat id aptissime Apulejus, ubi lib. xi Milesiacor. Numen ipsum loquens inducit, in hæc verba: *En adsum tuis commota, Luci, precibus rerum Natura parens ..... cujus Numen unicum multiformi specie, ritu vario, (e) nomine multijugo, totus veneratur orbis. Me primigenii Phryges*

(e) Ita fere de eadem dea Lycophronis Scholiastes pag. 116. Περσιφονῆς, ἡ Ἰσις ἢ γῆ, ἡ Πίσ, ἡ Ἑστία, ἡ Πανδώρα, καὶ ἡ Ἑρμῆς ποσειδάωνος: *Quin & Proserpina, & Isis, Terra appellatur, nec non Rhea, & Vesta, & Pandora, multisque aliis nominibus, quorum inire non est numerum. Nec alia solis, sive Apollinis, ratio est, quem teste Martiano Capella,*

--- Serapim Nilus, Memphis veneratur Osirin,

Dissona sacra Mithram, Ditemque, feruntque Typhonem.

Atis pulcher item, curvi & puer almus aravi;

Ammon & arentis Libyes, ac Byblins Adon.

Vide & quæ Commentatores habent ad Ausonii Pantheon, & Reines, in Infer. sic ut & Isis ποσειδάωνος sit, & Osiris.

*Pessi-*

*Pessinuntiam Deum Matrem nominant ; hinc Autochthones Attici Cecropiam Minervam ; illinc fluctuantes Cyprii Paphiam Venerem ; Cretes sagittiferi Dictynnam Dianam ; Siculi trilingues Stygiam Proserpinam ; Eleusinii resculam Deam Cererem ; Junonem alii , Bellonam alii , Hecaten alii , Rhamnusiam alii ; &c. , qui nascentis Dei Solis inchoantibus radiis illustrantur , Æthiopes , Arii-que , priscaque doctrina pollentes Ægyptii , cerimoniis propriis prorsus percolentes , appellant vero nomine Reginam Isidem. Viden' aperte , quod dixi ? At aliud etiam in allatis Apuleji , seu rerum parentis Naturæ verbis , animadvertendum puto ; indicari videlicet loca singula , ubi idem Isidis Numen primum nomine , ritu , cæterisque incolarum propriis cerimoniis varie cultum est ut Numen patrium , cum Madaurensis ævo alibi etiam Isidis nomine coleretur , sed ut *ἑστία* tantum , & peregrinum. Quis enim de hoc dubitet , qui noverit Apuleji seculo ubique terrarum Matrem Deum , non in Phrygia tantum ; Minervam etiam extra Atticam , Venerem non apud solos Cypri incolas , cæterasque recensitas Deas extra urbes quoque , provinciasque ab Apulejo designatas , sacra cultumque habuisse ? Accidit enim , ut , cum nullus ab Ethnicis error respiceretur , immo omnia superstitionis portenta , quo illa e longius dissitis regionibus conquiescit forent , eo alacrius reciperentur ; idem Numen ab ejusdem loci incolis tanquam duplex coleretur , & esset patrium simul ac peregrinum. Sic ibidem locorum culta Mater Deum , Ceres , Proserpina , Isis &c. Sic , apud Pausaniam in Achaïcis , in eodem delubro signa aliquot Æsculapii posita ,*

posita, & seorsim Serapidis, & Isidis: &, quod magis mireris, apud eundem in Corinthiacis Isis ipsa duplici fano, ac duplici nomine culta: Ἀνῆσι δὲ ἐς τὴν Ἀκροκόρινθον... ἔστιν Ἰσιδὸς τιμὴν, ὣν ἡ μὲν Πελαγίαν, ἡ δὲ Αἰγυπτίαν αὐτῶν ἐπονομάζουσιν; in *Acrocorinthum* enim *ascendentibus* occurrunt *Fana* *Isidis*, alterum (f) *Pelagiæ*, alterum *Ægyptiæ cognomento*. Hæc tamen, cum de Iside sermo est, ad recentiora tempora pertinere, multa sunt, quæ suadeant. Nam illud certo certius est, veteres Græcos ingenita gentis vanitate, quod ab Ægypto acceperant fabularum, cerimoniarum, & (si hoc nomine nugas aniles vocare fas est) Theologiæ, id totum tamquam apud se natum venditasse, immutatis ritibus, ac mythologiis; indignatione interim frendentibus Ægyptiis, ac Numinum suorum antiquitatem tuentibus. Id (g) patet ex variis locis, quos recolere juvabit apud Diodorum quinque libris prioribus: ac forte idipsum firmare poterunt, quæ Tacitus refert Lib. vi Histor. de Ptolemæo, qui *Macedonum primus Ægypti opes firmavit, Alexandria recens conditæ mœnia, templaque, & reliquiones addidit*. Isidis itaque mysteria, Cereris, ac Cy-

(f) Per *Pelagiam* Isidem vis generatrix inferioris naturæ significatur, quæ & Venus, eademque Luna, imperium in mare obtinens. Unde Artemidorus lib. 11, ubi de Venere agit; Ἀφροδίτη ἡ πελαγία ναυκλήροις καὶ κυβερνήταις, καὶ πᾶσι τοῖς ναυτιλομήτοισιν ἀγαθὴ τιμήρεται, καὶ πᾶσι τοῖς βυλομήτοισιν ὑποδημαῖν: *Venus autem Marina navcleris & gubernatoribus, & omnibus navigantibus, itemque omnibus peregrinari volentibus*

*bona observata est*. Plura de ea Vossius Idolol. l. 11, c. xxvii, p. 223. Reines. Inscript. l. 93. Cuperus, Vir Illustr. in Harpocr. p. 152.

(g) Illustrius hæc e Platone liquet, ubi Solon ab Ægyptiis Sacerdotibus increpatur, qui *Græcos semper pueros esse ajebant*. Adeatur & in Historia Animalium Ælianus, ubi de Apide agit: & Eusebius de Præpar. Euangel.

beles mysteriis, gratus fuit Græcis æmulari, usque dum fastu cum imperio vel seposito, vel deminuto, Isidis ipsius Ægyptiæ cultum amplexati sunt. Etenim cum scriptores, ac Numismata, unde Isidem fanis, ac cerimoniis apud Græcos cultam esse discimus, recentioris sint ætatis, videre mihi videor a (b) Romanis potius, quam ab Ægyptiis superstitionem Ægyptiacam accersitam, vel religionis forma in deterius abeunte, vel assentationis causa erga Urbem rerum jam demum potitam: vereque asseri posse autumno, Urbem Romanam cetera passim Numina a Græcia, Isidem ab Ægypto accepisse, ac non cum Græcia modo, sed & cum ceteris etiam provinciis primam communicasse. Nec enim Isidis cultus apud Romanos recentior est, quam apud Græcos: sed tunc demum apud Græcos invaluit, cum Romæ jam diu viguisset. Spartiani quidem ævo hic a nonnullis credebatur recentissime Romam allatus, quos tamen is haud audiendos clamat: *Mibi mirum videtur, ait, quemadmodum Sacra Isidis per hunc (Carracallam) Romam venisse dicantur, cum Antoninus Com-*

(b) Isidis mihi sacra una cum amicitia Regum Ægyptiacorum in Urbem migrasse videntur, quo tempore Ptolemæus Philopator Senatui P. Q. R. tutelam filii moriens commisit. Jam dudum vero ante Græcis usurpata videntur, adscitæque præcipue, quum Ptolemæus Soter in Græcas urbes, ac præsertim Rhodiorum civitatem, terræ motu graviter concussam, debilitatamque, suam liberalissime effunderet benignitatem. Ut enim Græculi ad adulationem semper facti fuere, ita ad Ptolemæi captandam

gratiam Sacra quoque Ægyptiaca in suas admisisse eos existimo civitates. Sic in duobus æreis Rhodiorum nummis Solem radiatum ab altera parte videas, ab altera vero Serapin cum calatho, apud Goltzium. Sed & in Ægiæ Insulæ prope Cretam nummo Serapis, vel Osiris conspicitur: & in altera parte Isis nuda super navigii proram, spicas manibus tenens. Et in Lapethiorum nummo a Cypriis Osirin & Isidem apud eundem Goltzium expressos reperias, in cuius nummi altera parte palma Ægyptia cernitur.

*modus ita ea celebraverit, ut Anubim portaverit, & Pausa sederet.* Quid autem sit *Pausa sedere*, vix intelliges ex Casaubono ad hunc locum; Salmasius autem in notis ad Spart. *Pausas* in Sacris Ifidis multis illustrat, & *Corpus Pausariorum* ex lapide a Reincio vexato revelat, quem vide. Verum & ante Commodum jamdiu Isiaca Romæ frequentata. Domitianus, referente Suetonio e Capitolio mane *Isiaci velatus habitu*, inter *sacrificulos panæ superstitionis* evasit & ita irrumpentes Vitellianos frustratus præsens vitæ periculum effugit. Tito apud Xiphilinum in Campaniam abeunte ad visendam calamitatem propius ex Vesevi incendio acceptam, Romæ plurima incendio conflagrasse narrantur ædificia; inter quæ Serapidis ac Ifidis Fana. Othonem Sacra Ifidis sæpe in lintea religiosaque veste propalam celebrasse auctor est supra laudatus Suetonius. (i) Poëtæ Augusto coævi, seculo illo Isiaca Mysteria celebrata probant, quamvis infamia laborasse iidem ostendant; nec non M. Agrip-

(i) Immo & Catullus jam diu ante Augusti tempora Serapidis templi meminit; apud quem Vari scortillum,

*Quasô, inquit, mihi, mi Catulle,*  
*paullum*

*Istos commodita. Volo ad Serapis*  
*Ferri mane.*

Ubi autem Serapis cultus, ibidem & Isis in honore fuit. Scriptum vero id carmen vigente adhuc rep. postquam e Bithynia, quo cum C. Memmio Gemello Prætoris ierat, reversus fuit. Ceterum notabilis de his Diis locus est Ciceronis lib. III de

Deor. cap. XIX: *Quid autem dicis? Si Dii sunt illi, quos colimus, & accepimus, cur non eodem in genere Serapim Isimque numeremus? Quod si facimus, cur barbarorum Deos repudiamus?* Unde sane jam tum Ifidis cultum Romæ receptum liquet. Inducit autem Cicero loquentes Cottam, Balbum, & Vellejum; quorum Cotta Consul fuit A. V. C. DCLXXVIII, annis XLII ante Octavianum primum Cos. L. autem Lucilius Balbus Præceptor Servii Sulpicii JCI fuit, qui condiscipulus triennio ante Ciceronis fuit apud Apollonium Molonem Rhodi.



pæ Ædilis decretum, cavens, ne fana intra Urbem diruta intra D lapidem ædificarentur. Demum longe antea, Calpurnii Pisonis, & Auli Gabinii consulatione, eorundem Sacrorum proscriptio per Arnobium, ac Tertullianum asserta, illa haud in Urbe novitia demonstrat, sed a satis longo tempore per manus tradita, cum jam diu in Urbem recepta pedem ibi fixissent. Hinc faciliè colligere est, cum Minutius Felix in Octavio de Osiridis ac Isis superstitione differens ait; *hæc Ægyptia quondam, nunc & Sacra Romana sunt*; vel illud ipsum tempus metiri, quo eadem pacate tranquilleque Romæ celebrabantur, postquam videlicet Imperatores Augusti fœdis hisce næniis nomen dedere, vel horum novitatem ad creandam invidiam augere.

Hæc prolixius forte, quam par fuit, in antecessum statuenda duxi, *Vir Illustrissime*, quo primum constaret, absurde hallucinari, qui Romæ Sacra Isis eadem prorsus cum Sacris Magnæ Deum Matris fuisse statuunt: ut censuit Ouzelius ad allatum Minutii locum. Quod operæ pretium fuit refellere: poterat enim conjecturam infra mox afferendam infirmare. Sacra etenim Magnæ Deum Matris novimus quo cultu e Phrygia allata, simul & quo tempore, ex Livio potissimum; qui rationem accersendi Numinis, carimonias, & pompam distincte narrat: ita ut de his dubitari nequeat. Nec ab illo umquam tempore Magnæ Matris Mysteria aut suspecta, aut ex Urbe eliminata fuisse traduntur: tempus vero receptæ Isiacæ superstitionis, postmodum non semel in crimen vocatæ, divinare vix possumus. At nonne Isis Romæ

cultæ, & sacra diversa a sacris Cybeles satis superque evincit Osiris ibidem cultus? habemus autem id discrete ab Apulejo assertum, qui se denuo initiatum in Osiridis mysteriis Romæ memorat, postremis Metamorphoseon paginis. Diversa igitur Isis ac Cybeles sacra, quamvis alias idem Numen; quinimmo Isis ipsa Romæ duplici saltem nomine culta, *Pelagiæ* videlicet, ac *Ægyptiæ*: quod, cum Isidem ipsam Roma Græciæ præbuisset, postmodum abs Græcia Romam recepisse verisimile est, multiplicato superstitionis sænore. Nam & ad Germanos *Pelagiæ* cultum a Græcia propagatum jure sensit Colerus in Taciti Librum de Moribus Germanorum. *Pelagiam* vero Isidem Romæ cultam ostendit vetus Lapis repertus extra Portam Flaminiam teste Gyrardo Synt. VII de Diis Gentium, quem invenies in Thesauro Gruteriano descriptum p. cccxii, n. 5. An tandem coaluerint Cybeles ac Isis cultus, res est implicita. Pignorius coaluisse non semel monet: sed carmen, ex quo id evincere conatur, Tertulliano, vel Cypriano tributum ad Senatorem Apostatam, nec Tertullianum, nec Cyprianum habuit auctorem, quidquid sit de ejusdem genuino intellectu. Quæ statim de Juliani Apostatæ superstitione in fine sequentis paragraphi dicam, ad hanc rem pertinent.

Ut autem non *Ægyptiacum*, sed Romanum credam Sistrum, cujus effigiem misisti, efficit Parergon illud alteri laterum laminæ affixum, videlicet Nux Pineæ. Pinearum siquidem usum in Isiâ nusquam reperi obtinuisse apud *Ægyptios*; quamvis in eam rem universa *Ægypti* Mysteria in Oedipo Kircheriano referata, Pignorii



gnorii commentaria, ipsam Isiacam Mensam sæpius lustraverim, consultis itidem Jamblico, Plutarcho, Luciano, Apulejo, ceterisque, qui ad manus fuere, ex quibus lucem mutuari potuissem. Tu ipse eadem, ac alia documenta recale, & si quid secus inveneris, me errantem corrigas velim, gratias ex animo repensurum: nec tamen in hanc rem novitate laborantem agere me credas argumento mere negativo, ut ajunt; nam contra ea apud Isiaca Romana Pinearum usus satis superque probatur ex uno Lampridii loco, ubi Commodi sævitiem inter ipsa mysteria exercitam recensens, refert eum *Isiacos pineis usque ad perniciem pectus tundere coëgisse*. Fateor equidem (k) Pinum Cybele dicatam, ob ea, quæ facili negotio apud rerum hujusmodi scriptores videre est; sed & in Isidis sacris usurpatas Pineas apud Romanos allata Lampridii

(k) De Pineâ nuce Martialis l. xiii, ep. xxv: *Poma sumus Cybeles*: verum Isidi Pinum sacram esse non secus ac Cybele, item Osiridi, seu Soli liquet ex Sponii Miscellaneis p. 85, & p. 1 & 3. Hinc apud Virgilium l. xi Æn. Arruns ad Apollinem,

*Summe Deum, sancti custos So-*  
*ractis Apollo,*

*Quem primi colimus, cui pinens*  
*ardor acervo*

*Pascitur, & medium freti pietate*  
*per ignem*

*Cultores multa premimus vestigia*  
*pruna, &c.*

Quin & Priapo, qui & ipse Sol, sacra facientes Nucem pineam in manu habebant. Eadem & Baccho, qui itidem Sol, sacra est, quia similis humano

cordi, cujus tutela Bacchus. Et hinc *Conophora* in ejus sacris, teste Suida. Unde & pardalis *conum* in thyrso, non secus ac Bacchi sacerdotes, in gemma 132 part. 1 Leonardi Augustini ferre cernitur. Eandem porro habitam Isidem ac Cybelen, cum scilicet non pro Luna, sed pro Tellure accepta fuit; multaque in sacris ritibus communia habuisse; utramque etiam uno *Diana* nomine expressam ab Ovidio, pluribus Jo. Ger. Vossius docet lib. 11 de Idolol. c. lvi. Confer & Apulejum l. xi Miles. ubi inter alia, ut supra vidimus, Isis ipsa de se, *Ase*, inquit, *Primigenii Phryges Pessinuntiam nominant Deum Matrem*. Ad quem locum plura Commentatores.

verba testantur. Id forte accidit, quod, cum Isiaca sacra infamia satis gravi laborarent in Urbe, (quare & proscripta a Magistratibus, & a severioribus damnata fuere) & cum alias idem Numen diversis licet ceremoniis coleretur, paulatim ad abolendam invidiam, ex Magnæ Deum Matris mysteriis ritus nonnulli ad Isiaca transferri potuerint. In horum censum præter Pineæ usum referenda sunt alia, quæ causam sufficere potuerunt asferentibus tandem utraque coaluisse. Juliani certe Apostatæ temporibus ipsis, quamvis in præsentī argumento recentissimis, Isidis mihi nomen, ac cultum videor videre. Numismata, si cætera desint, id probant: in quibus sistratam Isidem, sistratum Anubim agnoscimus. Insuper (l) Imperatorem ipsum Taurobolio, Criobolioque initiatum clamat (m) Historia, ritumque cum usque a Marci Aurelii temporibus Cybeles, ac Mithræ initia suscipiendi solennem fuisse. Vel igitur non coaluere, vel si coaluere, oblitterato Cybeles nomine, quod non admiserim, Isiacorum nomine audiverunt.

Hæc si vera sunt, ut mihi videntur, usque dum meliora docear; habeo quod mihi gratuler de ratione reperta, ob quam clarissimi Scriptores monumenta nonnulla illustrantes inconstantia, ac caligine laborent,

(l) Elagabalum. De *Taurobolio* & *Criobolio* nonnulla Vossius habet l. 11 de Idol. c. 53. Multo plura & doctiora Salmasius in Lamprid. & Reinesius Inscr. l. 10, apud quem inscr. 42. *Petra Taurobolata* non simplex ara est, ut vir eruditiss. explicat, sed istiusmodi lapidis, seu monumentum, in quo tota

sacrificii ratio efficta erat, oculisque omnium exposita. Ideo vero *Petra* posita, quia, cum in antro subterraneo Mithra coleretur, quod plerumque e petra, seu saxo vivo erat, ipse *Θεὸς ἐν πέτρᾳ* ideo dictus fuit.

(m) Immo & Gregorius Nazianzenus in suis in Julianum Invektivis.

dum

dum eadem nunc Isidi, nunc Cybele adscribunt. Vide Jacobi Thomadini opus dilucidans Cecropii Votum. Hic enim passim nunc Cybele, nunc Isidi Votum ipsum tribuit; ac tum maxime, cum de Nuce Pinea agens scribit; *arcanum enim, & veluti vaticinium in apice pollicis repræsentatur nuce pinea, qua usos fuisse Isiacos narrat in Commodo Lampridius; & statim addit; pinus enim tutelam gerebat Cybele &c.* Alexander Niger Lapidem Q. Manilii Cordi illustrans docta sane dissertatione (quam, cum seorsim primum edita fuisset, novissime Marmoribus suis, non e Felsineo modo, sed ex incognito undique Antiquitatis penu depromptis, inseruit humanissimus Dominus meus Comes Carolus Cæsar Malvasia) Pineam in summo lapide locatam cum ceteris parergis ex Ægyptiaca superstitione, vel, si Diis placeat, sapientia derivat: ex ea postmodum non modo Cybelen a Manilio cultam argumentatur, licet Cybeles cultus ad Ægyptios nunquam spectaverit; sed etiam Cybeles & Cereris mysteria, omnino Romæ diversa, confundit, & utrique (n) Pineam adscribit. At, quod magis mireris, recale paulo attentius opus sane egregium Laurentii Pignorii, quo Magnæ Deum Matris, & Attidis initia illustrat ex duplici vetere Tornacensi monumento. De Attidis Sigillo non habeo quod im-

(n) Atqui pinum Cereri quoque sacram Stephanus testatur in voce Μῆλον. ut & Ovidius lib. v Metam. ubi de facibus agit ad quærendam Proserpinam accensis: item lib. iv Fastor. Certe Sacra Cereris

tributa fuit. Et hinc Diodorus Sic. l. i, πυθμῆος πυρὴν καὶ κείων in memoriam repetæ agriculturæ gestari solitos, cum Isea celebrarentur, memorat. Imo nec alia Ceres, quam Isis: illo nomine apud Græcos culta,

problem : fecus se res habet de manu ærea inani, ac apta, cui hostile infereretur. De ea siquidem differens Pignorius invita mihi Minerva rem agere videtur. Nam cum semel ex ea Magnæ Deum Matris initia explicanda suscepit, quidquid offendit certo certius ad Isidem spectans, vel Cybele adjudicat, vel quod ad Cybelen pertinet, quasi Cybeles oblitus, ad Isidem trahit. Sic cum de tota manu aperte dixerit inanem conflatam, quo præferretur in pompa ipsi Deum Matri; adjungit, *qua plane ratione Antistitum unus Isidi prægestabat æquitatis indicium deformatum, manum sinistram porrecta palmula, ut scribit Apulejus lib. xi Metamorph.* subdit quidem, censuram præsentiens, Isidis sacra non abiisse a mysteriis Matris Deum; sed quid inde? nunquid eadem fuere? Ulpium Egnatium Faventinum Patrem, & (o) Hierocerycem D. S. I. M. ac simul etiam Sacerdotem Isidis extitisse; sed nunquid idem non poterat duplici Numini esse initiatus? C. Munatium Severum Matri Deum, & Isidi Fanum refecisse: at an inde forte pompam utriusque unam fuisse conficiet? Idem probarent de Numinibus alias dissitissimis, ac diversis, Lapides, quorum copiam ex Gruteriano Thesauro nancisci poterat. Inde per partes explicans Manus æræ symbola, cum pervenit ad Sistrum, cogitur invitus ambiguo tamen verbo crepitaculum hujusmodi & Cybele tribuere, novo quidem, & usque in hanc diem

(o) Reinesius Infr. l. 48. descriptorum errore ita legi ait, cum verum sit, *Hierocorax Dei solis invictis Mithre. Hieroceryces* erant in sacris, qui silentiam indicebant, inferioris ordinis ministris: at *Patres* sacrorum principales erant & magistri inter sacerdotes, quibus nihil cum *Hieroceryce* commune. Vide ea de re illic plura.

inaudito asserto, siquidem sentiat Sistrum in Deum Matris mysteriis adhibitum. Verba enim, ut dixi, ambigua sunt. *Sistrum*, ait, *ad Isidem pertinet, neque ideo abludit a Magna Matre. Marcianus enim Capella lib. 2 in Lunari circulo statuit Sistra Niliaca, Eleusiniam Lampada, Arcum Dictynnae, & Tympana Cybeleia.* Hisce tamen tantum conficiet Pignorijs convenientiam horum inter se mysteriorum; nunquam vero Sistrum magnæ Deum Matri dicatum. Iterum de Pineæ agens pollicis fastigio affixa, Pinearum usum in Romanorum Isiacis ex allato Lampridii loco agnoscit, sed præconceptæ sententiæ adhærens cantiunculam eandem recinit, *indiscretas* videlicet *fuisse horum Numinum Isis ac Cybeles apud Antiquos rationes.* In Appendicula veritatis fiduculis tortus aperte porro asserit, *licet hæc Mystéria (ut non semel monuimus) coaluissent, ut satis superque indicant Carmina Cypriani, seu Tertulliani ad Senatorem Apostatam, tamen Isis alio cultu & schemate fingebatur.* Ita profecto se res habuit, nec tantum de Idoli cultu id verum fuit, sed de cultu, ac pompis, quibus mysteria ipsa peragebantur. Quare monumentum universum non Matri Deum, sed Isidi potius deputandum, ac ex Romanis Isiacis Sacris ad Commodi tempora referendum puto, paratus saniori iudicio sub-

fore sperarem. Ipse felicius universa rimari quiveris, ac si forte pro ea, qua emines, animi moderatione alterum in meditationis societatem vocare volueris, eximii Viri Urbis ac Italiæ nostræ decora adsunt Ciampinius, Fabrettus, Bellorius, qui rem intime perlustrent, ac his, quæ ipse inepte effutivi, spongiam adhibeant. Vale.

---

JACOBI TOLLII  
DE  
SISTRORUM  
VARIA FIGURA  
DISSERTATIUNCULA.



*Quandoquidem nullus mihi eorum commentariorum præ manibus, quibus hæc ab eruditissimis hominibus, Aleandro, Pignorio, Bossio, ceterisque, pertractata materia est: neque item recens Herodoti, Diodori Siculi, Plutarchi, aliorumque veterum auctorum lectio memoriam meam adjuvat omnibus ferme, hoc tempore libris & auxiliatricibus copiis destitutam; nullus dubito, quin nonnulla dicturus sim ab aliis jam ante memorata, quorum ego doctis laboribus nil debitæ laudis hac opella mea detractum ire volui; abunde contentus, si hæc qualiacunque æquis animis accipiantur, æstimenturque. Neque enim adeo mei, meorumque*



rumque lucubrationum amans sum, ut hanc Dissertatiunculam multum mereri laudis existimem, quippe quæ nulla attentiore cura elaborata, nulloque subsidio adjuncta literario, verum αὐτοχρηστῇ concepta sit, atque exarata.

Ordinemur autem ab ea potissimum Sistris Figura, quam nobis elegantissimi Vir ingenii, plurimæque eruditionis R. P. Benedictus Bacchinus Dissertatione sua illustratam exhibuit. Continet hoc Sistrum quatuor virgulas æreas; quatuor Elementorum Harmoniam sonoro tinnitu suo significantes: quarum terra ultima, & maxime depressa, sejunctiore a ceteris, & inferiore virgula denotatur. Eleganter Auctor, qui nunc a me editur, de Recipiendis Manichæis, Harmoniam hanc expressit, ita Deum in precibus compellantem inducens Episcopum: σὺ ἐν πνεύματι ποιῶν τὴν κτίσιν συναρμόσας πνεύματι καὶ ὕμνῳ τῷ κύριῳ τῷ ἐν ἡμῖν ᾄδοντες: Tu e quatuor elementis mundi creationem coaptans quatuor tempestatibus anni circulum coronasti. Non enim eorundem elementorum hic motum iisdem virgulis indicari arbitror; quum in pluribus ille Sistris verius aptiusque per ternarium virgularum numerum exprimatur, in quibus cælum curvatura, seu superiore Sistris parte ἀεθέρι, terra transversa & immobili lamina lineari ob oculos ponitur. Quæ quum & in Stroziliano, & in Augustiniano Sistro valde conspicuæ sint, mirari satis artificum nequeo vel incuriam, vel inscitiam. Terra namque stabilis est, atque ideo ἑδωκέναι

exprimitur, nonnisi tribus instructa chordis, tria his elementa mobilia, ignem, aëra, & aquam; ipso vero suo corpore terram repræsentabat. Hæc ut clarius liqueant, aliorum etiam quorundam Sistrorum figuram respiciamus. Occurrit statim prima ovalis, qua Chaos antiquorum,  $\pi \Omega \nu$  naturæ, designabatur. Et in hoc quidem Sistro recte quatuor elementa totidem virgulis exprimuntur a se invicem distinctis; quemadmodum & illa Deus, & melior natura discrevit. In secundo rursus ac tertio Casaliano Sistrorum schemate tota rerum natura accuratius depingitur. Duo enim rerum principia illic nobis familiari Chemicis nostris schemate, Aqueo & Igneo, ostenduntur: quorum illud Thaletis, hoc Heracliti. Aqua namque inferius triangulum constituit acumine deorsum vergente, quod latentis in ea ignis argumentum est, & transversa recta linea superiore rerum ortum significante. Superius triangulum pyramidalis figura & Ignem nobis exhibet, & celum Empyreum repræsentat: nec non rerum ortum, & occasum: quemadmodum hoc plenius, & perspicue magis e Bossiano Sistro apparet: cujus triangulare ferme fastigium est, & ascendens trianguli linea Isidis, Veneris Genetricis ac  $\Phi \omega \sigma \Phi \rho \nu$  imagine insignis; descendens vero Nephthys, Veneris Nocturnæ, sed Naturæ ad corruptionem vergentis, Latinorum Libitinæ rerum finis exornata est. Quod si mihi jam cum Chemicis res esset, illam cum Basilio Valentino Metallum ascendens, hanc descendens appellarem: sive etiam, illam spiritum Mercurialem, hanc Sulphureum denotare dicerem, Sale in triangulo transversam lineam subiectam efficiente. Sed de his fusius in Medicina Chemica agetur: nunc simpliciter Natura consideranda venit.



Duo igitur illa schemata intermedias tres virgulas habent crispante brachio tergeminos ictus argutum sonum red-  
 dentes, ut est apud Apulejum, trium elementorum dislin-  
 etorum indicia, seu Symbola. In Chao namque omnia  
 primum confusa, & inter se permixta fuere elementa:  
 verum cum spiritus Domini, qui ferebatur super aquas,  
 easdem calore suo, velut incubans ovis gallina, foveret,  
 exsiluere primum ignis, mox aër, deinde aqua: terra ve-  
 ro, uti supra dixi, in imum subsedit locum: unde in anti-  
 quis Numismatibus Tellus Stabilis legitur. Possit & hæc  
 reddi ratio, quod Aqua trianguli figura descripta terram  
 contineat, cujus hoc est schema  $\nabla$ : aër vero ignis vehicu-  
 lum sit, qui ita notatur  $\Delta$ : quæ duo schemata si conjun-  
 xeris, erit ipsissima Sistri utriusque figura  $\text{⋈}$ : quæ &  
 in II, III, & in XIII Sistro conspicitur perfectissima, imper-  
 fectior autem in sextodecimo: ubi τὸ τὴ ἑξῆς ἑξῆς ob-  
 servatum est. Quod vero in quinto, sexto, septimo, de-  
 cimo, duodecimoque duæ tantum virgulæ appareant, duo-  
 rum id elementorum Aquæ & Ignis, id est Isis & Osi-  
 ridis, excellentiæ datum existimo. Unde & in marmore,  
 quod in ædibus Matthæorum exstat, Ignis & Aqua ab  
 Isiacis Sacerdotibus præferuntur. Ex his enim parentibus, ut  
 in Fortuitis ostendi, cuncta gignuntur; omnisque iis adsi-  
 gnanda fecunditas est, a Mercurio in nummo vetere Da-  
 mascenorum, apud nostrum exhibito n. VI, conjunctis: qui

factum Diis liqueat. Nam sive Cabiros, sive Penates, seu Genios, seu Lares, seu Curetes in partes vocemus, eadem illorum variati numeri ratio est. Quum enim quatuor perhibentur, quatuor Elementa denotant: quum tres, Aqua & Ignis cum spiritu aërio Mercuriali illa conjungente significantur. Unde in Inscriptione vetere apud Sponium legas Miscell. Er. Antiq. p. 91: Cælo æterno, Terræ matri, Mercurio Menestratori S. qui Mercurius in Cabiriis Sacris Casmilos, seu Camillus, dictus. Quum duo, illa quoque duo tantum elementa, quæ dixi, Aquæ & Ignis indicantur, cunctarum contraria semina rerum, ut est apud Ovidium in Fastis. Non tamen præfracte negare velim, quatuor hisce virgulis totidem anni tempestatum conversionem designari potuisse; præsertim quum Porphyrius apud Eusebium l. 111 de Præpar. Evangel. ipsos quoque Cabiros, seu Curetes (nam eadem res est) quatuor anni temporum Symbolum fuisse doceat: & trichordis cithara Solis Ver, Æstatem, & Autumnum, sive earundem tempestatum anni moderatam significasse conversionem referatur. Verum de Elementis eas accipere malim; quandoquidem Deos sibi inde, seu Genios quatuor Ægyptii fecere, Δαίμωνα, qui Ignis, Τόχρον, quæ Aqua, Ἐρῶτα, qui Aër, & Ἀνάγκη, quæ Terra. Quod autem ternarium virgularum numerum attinet, tot quoque tantum Curetes fuisse Proclus tradit l. v, c. xxxv in Platonem; qui & Magni, Potentes, Valentes, Jupiter, Juno, & Minerva, Diis Penates Populi Rom. habiti nil aliud quam Elementa, quæ dixi, tria denotant. Non ignoro tamen aliter aliquanto Deos a Servio ad lib. 11 Æn. v. 296 explicari. Verum potior mihi Juliani Imper. sententia est, cui Orat. v,

αἱ τρεῖς ἀρχαὶ τῶν μὲν θεῶν κρείστων γενῶν ἀρχαίους dicun-  
 tur; id est, *Elementa rerum post Deos principia: sive,*  
*ut Epimenides Curetas appellavit, omnis concinnæ motio-*  
*nis principalia exemplaria.* Sic rursus iidem Dii, qui  
 apud Dionysium Halicarnassem, & in antiquis nummis, Pe-  
 nates, seu Genii P. R. gemini tantum memorantur, Jovis  
 & Neptuni cultu atque habitu notabiles. Et quid aliud  
 hi duo Dii, nisi Ignis & Aqua? iidem scilicet, qui  
 in fabula Trojana Apollo & Neptunus, Trojæ urbis  
 manium conditores. At in nummo Getæ apud Tristandum  
 Hercules & Juno; apud Samothracas Cælum & Ter-  
 ra, uti supra, teste Varrone L. IV de L. L. Quare jure  
 merito, quum se his expeditricis non posset, idem Var-  
 ro apud Arnobium lib. III, Penatium numerum & no-  
 mina ignorari tradidit. Eadem & Genialium Deorum ra-  
 tio est apud Festum. Geniales, inquit ille, Deos dixe-  
 runt Aquam, Terram, Ignem, Aërem. Ea enim  
 sunt semina rerum, &c. Qui statim & Solem, &  
 Lunam, & XII signa zodiaci in eorum numerum refert:  
 aucto scilicet numero e diverso cujusque ad ortum rerum  
 conservationemque efficaciæ intuitu. Dæ istæ virgulæ  
 ad Servii nonnihil facere videntur explicationem, qui in  
 VIII Æn. Virg. Isis est, inquit; Genius Ægypti, qui  
 per Sistri motum, quod gerit in dextra, Nili acces-  
 sus recessusque significat. Veruntamen ad duo illas, quæ

tæ virgularum insertarum extremitates esse videantur. Certe in præcedente figura eorumdem apicum septenarium numerum planetarum concentum innuere verosimile est, quem & Orpheus totidem chordis apud Poëtarum Latinor. Principem æmulatus est. Atque hæc de Sistrorum figura sufficiant: quibus pro Corollario hoc unum de Loti fructu adjiciam, recte illum & fronti Isidis num. III, & VIII, atque item Aspidis, quæ Isidis Symbolum, num. V, & summitati, seu fastigio Sistri XVII, affictum, quod cælesti Solis calore calor Terræ Matris excitatus suavissimos fructus ferat, & in lucem eos omnium oculis contuendos producat. Est & alia secretior, sed Chemica ratio: quam in Sapiencia Insaniente attigimus; ubi de oleagino Jovis Sceptro, dulcedineque ejus olei paucula dicta sunt, verum multo plura altera, si Deus otium dederit, editione dicentur, adjectis nonnullis de olea Minervæ, (Græcis Ἀγνῆ dictæ, & in triangulo pyramidalis summum apicem obtinentis, ut in Fortuitis exposui) quæ ad explicandam spiritus salini dulcedinem plurimum faciunt, postquam spiritui Vini Philosophico conjunctus tertium cum eodem alembicum Philosophicum transiit. Sed hæc altioris indaginis sunt, atque ea propter Chemicis curis meis enucleanda relinquentur. Adjicerem & de fele quædam, deque ejus oculis, qui ad Lunæ vices vel ampliores sunt, vel angustiores, nisi aliis jam dicta arbitrarer: quæ erecto capite, intentoque & pervigili vultu, efficacem Lunæ in cuncta sublunaria dominationem, simul & novilunii vim quotidie augescentem innuit; non secus ac decreascentem, invalidamque, remissa ejusdem cauda significat.

